



## МЕСЯЦА ДЕКАБРЯ В 27-Й ДЕНЬ

Святаго апостола, первомученика  
и архидиакона Стефана.

И преподобнаго отца нашего и исповедника  
Феодора начертаннаго и брата Феофана творца

НА МАЛОЙ ВЕЧЕРНИ

На Господи, возвах: **стихиры, глас 4.**

Подобен: Яко добля:

**С**ошедшеся, празднлюбцы, тайно, / молебную и честную празднуем первомученика днесь память, / в сей приемлюще исцеления / честных дарований его, и возопийм: / достопетый мучениче, / моли избавитися от бед / творящим память твою.

**Таже стихиры: Яко степени: и Духа благодатию:** (зри страницы 399—400).

**Слава, глас 5:**

**Первомучениче апостоле и переводиаконе, / дверь мучеников и слава праведных, / апостолов похвало, / ты Небеса видел еси отверста, на судищи стоя, / и Сына Божия, одесную стояща Невидимаго Отца. / Темже, яко Ангел, возсияв лицом, / в радости взывал еси о побивающих тя камением: / не постави им греха сего. / И ныне испроси от любви хвалящим тя / очищение грехов и велию милость.**

**И ныне, праздника.****На стиховне стихиры, глас 2:**

Первый в диаконых, / первый и в мученицех  
показался еси, / всесвятый Стефане, / путь бо был  
еси святым / и многи Господу привел еси мучени-  
ки. / Тем Небо тебе отверзется и Бог тебе явится, /  
Того моли спастися душам нашим.

**Стих:** Праведник, яко финикс, процветет, / яко  
кедр, иже в Ливане, умножится.

Во святую облелся еси, Стефане блаженне, /  
первомучениче и переводиаконе, / Ангелов сопри-  
частниче, / ходатайствуй и молися о нас / Спасу  
Господу безгрешному.

**Стих:** Насаждени в дому Господни / во дворех  
Бога нашего процветут.

Первомученика и добляго Христова угоdnика, /  
Стефана переводиакона достойно почтим, / той бо,  
стоя посреди беззаконников, / одесную Отца Сына  
виде.

**Слава, глас 8:**

Радуйся о Господе, венценосче Стефане, / по-  
добник Владыки, / занеже и первомученик был еси  
Христа Царя нашего / и леть беззаконных иудей  
упразднил еси, / моляся о нас ко Господу.

**И ныне, праздника.****Тропарь писан на велицей вечерни.****НА ВЕЛИЦЕЙ ВЕЧЕРНИ**

**На Господи, возвах: стихиры апостола 3 и  
преподобнаго 3.**

**Стихиры апостола, глас 4.**

**Подобен: Яко добля:**

Духа благодатию просветив помышление, / зра-  
ком яко Ангел явился еси, Стефане, / облиставшу  
телеси внутреннею светлостью / и зарю душевную  
являющую видящим, / еже ради получил еси и  
света зрение, / Небесем, тебе преславно отверзе-  
ным, / начало мучеников и похвало.

Яко ступени и лествица на Небесный восход, /  
каменная метания быша тебе. / На нже вшед,

видел еси / стояща Господа одесную Отца, / Тебе тезоименит венец простирающая / десницею живоносною, / Егоже близ яко добропобедник, предстоиши / и страдальцев верховный.

**Знаменьями, и чудесы блистаяся, / и догматы, пребеззаконных погасил еси соборище, / и от них убиваемы, / и камением метаемы, / за убивающия тя о оставлении молился еси, / подобяся гласу Спасову, / Егоже в руки предал еси твой дух, / священный Стефане.**

### **Ины стихиры преподобнаго, глас и подобен тойже:**

**Странничества язвам / приложишася тебе язвы / заточения, преподобне, лютейшая, / пребеззаконно держащему престол законный, / и смущающе люте законы веры, / и пречистый Спасов образ низлагающе, / егоже благодатию Божественною, / Христов угодниче, посрамил еси.**

**Ни темница тя, ни теснота, / ниже тьма несветлая, / ни раны, ни биения, отче, / возмогоша к Богу любви разлучити, Феодоре, / ниже недуг лют, и долг, и нестерпимы, / ниже скудость пищи, Богоглаголиве, / но непреложне претерпел еси, / провидя твоих трудов воздаяние.**

**Вместо скорби ослабу, / вместо болезней наслаждение, / вместо тьмы осияние / тебе дарова Подвигоположник Праведный. / Вместо же, чудне, на лице твоём писания / написался еси в книзе Жизни, / Церкви же первородных вчинился еси в Вышних / и ко Ангелов торжеству / прерадостно пришел еси.**

### **Слава, глас 2. Анатолиево:**

**Царю и Владыце всех, / рождемуся на земли, / венец пресветел приносится, / не от камней честных устроен, / но от своих кровей процветен. / Но, о мучениколюбцы! / Приидите, песней цветы взявше, главы увязем / и, песни воспевающе, рцем: / мудростию и благодатию душу просветивый, первомучениче, / Христа Бога проси нам мира и велия милости.**

**И ныне, глас тойже:**

**Велие и преславное чудо совершися днесь:/ Дева раждает и утроба не истлевает,/ Слово воплощается и Отца не отлучается./ Ангели с пастыри славят,/ и мы с ними вопиём:/ слава в Вышних Богу, и на земли мир.**

**Вход. Прокимен дне. И чтения.**

**Деяний святых апостол чтение  
(главы 6,1—7,10):**

**Во днех же сих умножившимся учеником,/ бысть роптание еллинов ко евреом,/ яко презираеми бываху во вседневнем служении вдовицы их./ Призвавше же дванадесять множество ученик, реша:/ не угодно есть нам, оставльшим слово Божие,/ служити трапезам./ Усмотрите убо, братие, мужи от вас свидетельствованы седмь,/ исполнены Духа Свята и премудрости,/ ихже поставим над службою сею,/ мы же в молитве и служении слова пребудем./ И угодно бысть слово сие пред всем народом,/ и избраша Стефана, мужа исполнена веры и Духа Свята,/ и Филиппа, и Прохора, и Никанора,/ и Тимона, и Пармена, и Николая, пришельца Антиохийскаго,/ ихже поставиша пред апостолы/ и помолившися возложиша на ня рuce./ И слово Божие растяше, и множашеся число ученик во Иерусалиме зело,/ мног же народ священников послушаху веры.**

**Стефан же, исполнь веры и силы,/ творяше знамения и чудеса велия в людех./ Восташа же неции от сонма, глаголемаго Ливертинска,/ и Киринийска, и Александрска,/ и иже от Киликии и Асии, стязающиеся со Стефаном./ И не можаху противу стати премудрости и Духу, Имже глаголаше./ Тогда подустиша мужи, глаголющия:/ яко слышахом его, глаголюща глаголы хульные на Моисея и на Бога./ Сподвигоша же люди, и старцы, и книжники,/ и, нападше, восхитиша его,/ и приведоша на сонмище./ Поставиша же свидетели ложны, глаголющия:/ яко человек сей не престаёт глаголы хульные, глаголя на место святое сие и закон./ Слышахом бо его глаголюща,/**

яко Иисус Назорей, Сей разорит место сие / и изменит обычаи, / яже предаде нам Моисей. / И, возрѣвше нань, вси, седящи в сонмищи, / видѣша лице его, яко лице Ангела. / Рече же архиерей: / аще убо сия тако суть? / Он же рече: / мужие, братие и отцы, послушайте. / Бог славы явился отцу нашему Аврааму, сущу в Месопотамии, / прежде даже не вселитися ему в Харрань. / И рече к нему: / изыди от земли твоея, / и от рода твоего, и от дому отца твоего / и прииди в землю, юже аще ти покажу. / Тогда, изшед от земли Халдейския, вселися в Харрань, / и оттуду, по умертвии отца его, / пресели его в землю сию, на нейже вы ныне живете. / И не даде ему наследия в ней, ниже стопы ногу, / и обеща дати ему ю во одержание / и семени его по нем, не сущу ему чаду. / Глагола же сие Бог: / яко будет семя его пришельцы в земли чуждей, / и поработят е, и озлобят лет четыреста. / И языку, емуже поработают, сужду Аз, рече Бог, / и по сих изыдут, и послужат Ми на месте сем. / И даде ему завет обрезания. / И тако роди Исаака, и обреза его в день осмый; / и Исаак Иакова, и Иаков дванадесять патриарх. / И патриарси, позавидевше Иосифу, продаша его во Египет, / и бе Бог с ним. / И изыят его от всех скорбей его, / и даде ему благодать и премудрость пред фараоном, царем Египетским, / и постави его начальника над Египтом и над всем домом своим.

**Деяний святых апостол чтение**

**(главы 7,11—7,35):**

**Прииде же глад на всю землю Египетскую и Ханааню / и скорбь велия, / и не обретаху сътости отцы наши. /**

**Слышав же Иаков сущую пшеницу во Египте, / послал отцы наша первее. / И внегда второе приидоша, / познан бысть Иосиф братии своей, / и яве бысть фараону род Иосифов. / Послав же, Иосиф призвал отца своего Иакова / и все сродство свое, седмьдесят и пять душ. / Сиде же Иаков во Египет и скончася сам и отцы наши. / И принесени быша в Сихем, и положени быша во гробе, / егоже купил Авраам ценою сребра / от сынов Еммора Сихемова. / И якоже приближашеся время**

обетованія, / ѿмже кля́тсѧ Бог Авра́аму, / возра-  
сто́ша лю́дие и умно́жишасѧ во Егѳпте, / до́ндеже  
наста́ царь ин во Егѳпте, / ѿже не зна́ше Йо́сифа. /  
Сей, зле умы́слив о ро́де на́шем, / озло́би отцы́  
на́ша умори́ти младе́нцы их и не оживи́ти. / В не́же  
вре́мя роди́ся Моисе́й, / и бе уго́ден Бо́гови, / ѿже  
пита́н бысть ме́сяцы три в до́му отца́ свое́го. /  
Изве́ржена же его, / взят его дщи́ фарао́нова / и  
воспита́ ѿ себѣ в сы́на. / И нака́зан бысть Моисе́й  
все́й премудро́сти егѳпетстей, / бе же си́лен в  
словесе́х и дѣлех. / Егда́ же исполня́шесѧ ему́ лет  
четы́редесѧтих вре́мя, / взы́де на се́рдце ему́ посе-  
ти́ти бра́тию свою́, сы́ны Изра́илевы. / И, ви́дев  
не́коего оби́дима, посóбствова / и сотвори́ отмще́-  
ние оби́димому, убѣв егѳптянина. / Мня́ше же  
разуме́ти бра́тиям своим, / яко Бог руко́ю его даст  
им спасе́ние, / они же не разуме́ша. / Во у́трий же  
день яви́ся им, тя́жущимся, / и привлеча́ше их в  
примире́ние, рек: / му́жие, бра́тия есте́ вы, / вску́ю  
оби́дите друг друга? / Оби́дяй же бли́жняго отри́-  
ну ѿ, рек: / кто тя поста́ви кня́зя и суди́ю над  
на́ми? / Еда́ уби́ти мя ты хо́щеша, / ѿмже о́бразом  
убил еси́ вчерá егѳптянина? / Бежа́ же Моисе́й о  
словеси́ сем, / и бысть пришле́ц в земли́ Мадиа́м-  
стей, / иде́же роди́ сы́на два. / И испо́лньшимся  
ле́том четы́редесѧтим, / яви́ся ему́ в пусты́ни горы́  
Сина́йския А́нгел Госпо́день в пла́мени о́гненне в  
купинѣ. Моисе́й же, ви́дев, дивля́шесѧ виде́-  
нию. / Приступа́ющу же ему́ разуме́ти, / бысть глас  
Госпо́день к нему: / Аз Бог оте́ц твои́х, / Бог  
Авра́амов, и Бог Иса́аков, и Бог Иа́ковль. / Тре́пет-  
ен же быв Моисе́й, не сме́яше смотре́ти. / Рече́ же  
ему́ Госпо́дь: / иззуй сапо́ги но́гу твою́, / ме́сто бо,  
на не́мже стои́ши, / земля́ свѧта есть. / Ви́дя, ви́дех  
озлобле́ние люде́й Мои́х, ѿже во Егѳпте, / и стена́-  
ние их услы́шах, / и снисхо́х изъѧти их. / И ны́не  
гряди́, и послю́ тя во Егѳпет. / Сего́ Моисе́я, его́же  
отри́нуша, ре́кше: / кто тя поста́ви нача́льника и  
суди́ю? / сего́ Бог кня́зя и избáвителя посла́ руко́ю  
А́нгела, / явльша́гося ему́ в купинѣ.

**Дея́ний свѧты́х апо́стол чтѣние (глава 7,35—60):**

Сей изведе́ их, / сотвори́ чудеса́ и зна́менія в  
земли́ Егѳпетстей, и в Чермнóм мо́ри, / и в пусты́ни

лет четы́редесять./ Сей есть Моисей,/ рекий сыно́м Изра́иловым:/ Проро́ка вам воздвигнет Госпо́дь Бог ваш от бра́тии ва́шей, яко мене́,/ Того послу́шайте./ Сей есть бы́вый в це́ркви в пусты́ни со А́нгелом,/ глаго́лавшим ему на горé Сина́йстей,/ и со отцы́ на́шими,/ и́же прият словеса́ жи́ва да́ти нам./ Егóже не восхотéша послу́шати отцы́ на́ши,/ но отрину́ша и́, и обрати́шася се́рдцем своим во Египет, ре́кше Аарóну:/ сотвори́ нам бо́ги, иже преды́дут пред на́ми,/ Моисе́ю бо сему́, иже изведе́ нас от земли́ Египетския, / не ве́мы, что бысть ему́./ И сотвори́ша тельца́ во дни о́ны,/ и принесóша жéртву и́долу,/ и веселя́хуся в дéлах руку́ своéю./ Отврати́ся же Бог и предаде́ их служи́ти во́ем Небéсным,/ якоже пи́сано есть в кни́зе проро́к:/ еда́ заколе́ния и жéртвы принесóсте Ми лет четы́редесять в пусты́ни, до́ме Изра́илов?/ И восприя́сте ски́нию Моло́хову/ и звезду́ бо́га ва́шего Ремфа́на,/ о́бразы, я́же сотвори́сте покланя́тися им,/ и преселю́ вы да́лее Вавило́на./ Сень свидéния бяше отце́м на́шим в пусты́ни,/ якоже повеле́ Глаго́ляй Моисе́ови,/ сотвори́ти ю по о́бразу, егóже ви́де./ Ю́же и внесóша, приéмше, отцы́ на́ши со Иисусом во одержа́ние язы́ком,/ и́хже изри́ну Бог от лица́ отец на́ших,/ да́же до дний Дави́да,/ и́же обрете́ благодать пред Бо́гом и испроси́ обрести́ селéние Бо́гу Иа́ковлю.

Соломо́н же созда́ Ему́ храм./ Но Вы́шний не в рукотворéнных це́рквах живёт,/ якоже проро́к глаго́лет:/ Не́бо Мне престóл есть,/ земля́ же подно́жие нога́ма Мойма./ Кий храм сози́ждете Ми,— глаго́лет Госпо́дь,— / или́ ко́е ме́сто покóищу Моему́?/ Не рука́ ли Моя́ сотвори́ сия́ вся?/ Жестоковы́йнии! и необре́занныи се́рдцы и уше́сь!/ вы при́сно Ду́ху Свято́му проти́витесь,/ якоже отцы́ ва́ши, та́ко и вы./ Кого́ от проро́к не изгна́ша отцы́ ва́ши?/ И уби́ша предвозвестив́шия о прише́ствии Пра́веднаго,/ Егóже вы ны́не преда́теле и убийцы́ бы́сте,/ и́же прия́сте зако́н устро́ением А́нгельским и не сохрани́сте./ Слы́шаще же сия́, распыха́хуся се́рдцы своим и скрежетáху зубы́ нань./ Стефа́н же сый, испо́лнь Ду́ха Свя́та,/ возрэв на Не́бо, ви́де сла́ву Бо́жию/ и Иисуса́,

стояща одесную Бóга, и рече:/ се вижу Небеса́ отvéрста/ и Сы́на Человéча, одесную стояща Бóга./ Возопівше же гласом велиим, затыка́ху ўши свой/ и устремішася единому́шно нань./ И, извѣдше вне гра́да, ка́мением побива́ху его́./ И свидѣтелие, снѣмше рíзы своя́,/ положи́ша при ногу́ юноши, нарица́емаго Савла,/ и ка́мением побива́ху Стефа́на, моля́щася и глаго́люща:/ Го́споди Иису́се, приими́ дух мой./ Прекло́нь же ко́лена, возопи́ гласом велиим:/ Го́споди, не поста́ви им греха́ сегó!/ И, сия́ рек, ўспе.

### На литий стихи́ры, глас 1:

Стефа́не, мучеников первострада́льне,/ служи́телей основа́ние,/ апо́столов избра́нный,/ све́тло творя́щая твоє светоно́сное торжество́/ све́том незаходи́мым, мучениче, озари́,/ грехо́вную разоря́я тьму,/ благода́ть и ми́лость пода́я рабо́м твои́м,/ и к животу́ вѣчному́щему наставля́й твои́ми моли́твами.

Вене́ц благода́тей твой верх,/ Стефа́не, мучениче Христо́в,/ тезоименітно приѐм/ и, я́ко гривну злату, добродѣтелей обложив твоєй вѣи,/ му́дрости был еси прему́дростное жили́ще,/ ю́же почѣл еси́,/ притяжа́в любѣзну себе́,/ еяже ра́ди почти́лся еси́ сла́вою и благода́тию.

Вене́ц Су́щему че́стен Царю́ и Бóгу/ принѣслся еси́, апо́столе,/ ка́менным би́ением,/ словесе́н и многоче́стен па́че злата́ и ка́мене че́стнаго,/ венча́н сла́вою и благода́тию, Стефа́не всече́стне,/ мучеников первострада́льне,/ сла́вное де́ло же и і́мя,/ помяни́ всех нас.

### Сла́ва, глас 4:

Стефа́н — до́броє нача́ло мучеников,/ полн благода́ти и си́лы,/ творя́й зна́менія и чудеса́ велия́ в лю́дех,/ от беззакóнных ка́мением побие́н быва́ше,/ но просвети́ся, я́ко А́нгел,/ и зрит сла́ву Тебе́, распѣншагося нас ра́ди, одесную́ Си́лы,/ и ду́хом благода́ти на Небеса́ взима́шеся,/ и сегó ра́ди с ликостоя́нии А́нгельскими водворя́яся,/ мо́лится спасти́ся душа́м на́шим.

**И ны́не, праздни́ка:** Непостижи́мо соверша́емое в Вифлеэ́ме: *(зри страницу 418).*



## На стиховне стихиры, глас 1.

Подобен: Небесных чинѡв:

**Из** Отца прежде век возсиявша, / и яко Сына в  
недре Отчем присносуща, / паки в послѣдняя на  
руках Матерних, / яко на Престоле, сидящаго, / и от  
Ангелов, пастырей, волхвов же, / ныне покланяе-  
маго воспойм.

**Стих:** Из чрева прежде денницы родиx Тя, /  
клятсѧ Господь и не раскается.

**В** Вифлеѣм сошедшеся, вернии, / узрим всех  
Творца, / лежащаго во яслех, / и от земли  
Халдейския / дар избранный принесшия три-  
вещественный / яко Царю и Богу / и нас ради  
тридневному сущу мертвецу.

**Стих:** Рече Господь Господеву моему: / седи  
одесную Мене.

**Из** Дѣвы родился еси в вертепе, / и воинства  
Ангельская, обстояще, вопияху: / слава в Вышних  
Тебе, Богу, / рождаемому в рабии образе, / и  
обновльшему мир, во чреве Дѣвы / и Неискусомуж-  
ныя Матере.

## Слава, глас 6. Анатолиево:

**Первый** в мученицех показался еси / и в диако-  
нех, Стефане апостоле, / страдальцев убожество,  
верных утверждение, / слава праведных. / Честную  
твою память празднующим проси, / яко предстои  
Престолу Христа Всецаря, / прегрешений  
очищения / и Царствия Небеснаго сподобитися.

## И ныне, глас тойже. Германово:

**Ликуют** Ангели вси на Небеси, / и радуются  
человецы днесь; / играет же вся тварь рождагося  
ради в Вифлеѣме Спаса Господа, / яко всякая лествица  
идольская преста, / и царствует Христос во веки.

## Тропарь святаго, глас 4:

**П**одвигом добрым подвизался еси, / первомуче-  
ниче Христов, и апостоле, и архидиаконе  
Стефане, / и мучителей обличил еси нечестие: /  
камением бо побиен от рук беззаконных, / венец от  
яже свыше десницы приял еси / и к Богу взывал  
еси, вопия: / Господи, не постави им греха сего.

### Ин тропарь, глас 3:

**А**посто́лом совсе́льник / и страстоте́рпцем пер-  
воста́рада́лец, / Христо́в служи́тель, прехва́льне  
Стефа́не, / пе́рвее бо соверши́в муче́ния тече́ние, /  
безчи́сленныя ро́ды челове́к ра́вно Подвигопо-  
ло́жнику Христу́ приведе́. / Те́мже яко́ а́постола и  
страда́льца верхо́внаго / чту́ще тя, мо́лим: / моли́  
Христа́ Бо́га / дарова́ти нам ве́лию ми́лость.

### Сла́ва, преподо́бнаго. Тропа́рь, глас 8:

**П**равосла́вия наста́вниче, / благоче́стия учи́те-  
лю и чистоты́, / вселе́нныя свети́льниче, / мо-  
на́шествующих Богодохнове́нное удо́брение, / Фе-  
одо́ре премудре, / уче́ньми твои́ми вся просвети́л  
еси́, цевни́це духо́вная; / моли́ Христа́ Бо́га спасти́-  
ся душа́м на́шим.

**И ны́не, праздни́ка: Ро́ждество́ Твое́, Христэ́ Бо́же:**

#### НА УТРЕНИ

**На Бог Господь: тропарь праздни́ка, единожды и  
апосто́ла, единожды. Сла́ва, преподо́бнаго. И  
ны́не, праздни́ка.**

### По 1-м стихосло́вию седа́лен, глас 1.

Подобен: Гроб Твой, Спа́се:

Ли́цы мучени́честии святу́ю твою́ память в  
пе́снях и пе́ниих, апо́столе Стефа́не, чтут, / пре-  
сла́вною бо душе́ю твоёю красоту́ свою́ воспри-  
я́ша. / Темже днесь и честна́я Це́рковь, велича́ющи  
тя, / Ца́ря ро́ждшагося прославля́ет, Еди́наго Че-  
ловеколю́бца.

### Сла́ва, и ны́не, пра́здника, глас 3.

Подобен: Де́ва днесь:

Безсе́менное зача́тие Изба́вителя ражда́ет, / и  
волсви́ приходя́т Ж́изни поклони́тися, / челове́цы  
со А́нгелы славосло́вят, / верте́п же и я́сли дароно́-  
сят, / воспева́юще ро́жденнаго Отроча́ Мла́до,  
Преве́чнаго Бо́га.

### По 2-м стихосло́вию седа́лен, глас 3:

Ка́мень че́стен Це́ркви, / сохраня́ем в сокро́ви-  
щах Небе́сных, был еси́, перво́мучени́че Стефа́не, /  
нечестивы́я иудеи́ обличи́л еси́ / и муче́ния ча́шу,  
ка́меннаго ра́ди поби́ения, испи́л еси́, мучени́ков

первострадальне, / Христа́ Бóга моли́ даровати́ нам вѣлию́ мѣлость.

**Сла́ва, и ны́не, пра́здника, глас 4.**

**Подобен:** Удивіся Іосиф:

**Н**евместимый вездѣ, како вместіся во чрево? / Сый в недрах Отчих, како на руках Матерних? / Всяко, яко вестъ, яко восхотѣ и яко благоволи: / безплотен бо Сый воплотіся вольно. / И бысть Сый, еже не бе, нас ради, / и, не отступив естества, причастіся нашему смешению, / сугуб родіся Христос, Вѣшний мир хотя́ исполнити.

**По полиелѣи седален, глас 5.**

**Подобен:** Собезначальное Слово:

**Д**уха зарею осияваем и мудростию сущюю совоздвижен, / иудейскую мглу обличил еси / и, на тризнице врага страдальчески низложив, / мучеником венѣц явился еси. / Но молися Господеви помиловатися душам нашим.

**Сла́ва, и ны́не, пра́здника, глас 3.**

**Подобен:** Красотѣ дѣвства:

**Ч**удо преславно бысть днесь, / Спаситель бо наш в вертепе плотию от Дѣвы нас ради родіся ныне, / волсви с дары яко Царю поклонішася, / пастьрие со Ангелы же славословляху Егó. / С нимиже и мы вопиѣм: / слава нас ради Вочеловѣчшемуся.

**Степенна, 1-й антифон 4-го гласа. Прокимен, глас 4:** Праведник яко финикс процветѣт, / яко кедр, иже в Ливане, умножится. **Стих:** Насаждени в дому Господни, во дворех Бóга нашего процветут. **Евангелие от Марка, зачало 53.**

**По 50-м псалме стихира, глас 6:** Пѣрвый в мученицех: (зри славник на стиховне).

**Канон пра́здника пѣрвый, кир Космы, глас 1 со ирмосом на 6 (зри страницы 345—353) и святых два канона на 8. Канон апостола, творѣние преподобнаго Иоанна Дамаскина, глас 5.**

**Песнь 1**

**Ирмос:** Коня́ и всадника в море Чермное / сокрушаяй брани мышцею высокою / Христос истрясѣ, Израиля же спасѣ, / побѣдную песнь поюща.

**Г**рядите, венцы пѣсней первомученика Христова Цѣркви славно венчаим / и, Божественною венчаеми Стефановою благодатию, / побѣдную пѣснь воспойм.

**Н**ося Учителев краткий смысл / и еже от любве Боготворное смирение, / достойно, Стефане, диаконов старейшина и предстатель вдовицам был еси.

**Т**ы на поможь апостолов Христовых достойно призвался еси / и яко верен диакон, тезоимените Стефане, был еси, / идеже Христос, кровию прешел еси.

**Богородичен:** Ты убо за человеки, Христѣ, / человека от Дѣвы понес яко Младенец повится, / Твой же посыпан первомученик каменей метании, человека совлачится.

**Ин канон, преподобнаго, глас 4, егоже краегра-  
несие:** Твоя, брате, ближняя плетѹ хвалы. **Феофан.**

### Песнь 1

**Ирмос:** Моря чермнѹю пучину / невлажными стопами / древний пешешествовав Израиль, / крестообразными Моисеовыми руками / Амаликову силу в пустыни победил есть.

**Т**итлу твоего честнаго лица видевше, Херувими / отступают от древа жизни; / пламенное же оружье всеблагоевѣно плещи тебе даѣт, всемудре Феодоре.

**Т**итла над главою лежаше Царя Христа, написана на Древе Крестнем; / твоя же титла, всемудре, на лице твоѣм начертася, / написана благолѣпне.

**В**озвысися убо на Крест Господь и прободен бысть в ребра; / ты же, протяжен на скамий, терпеливно бодения претерпел еси, / якоже овен нарочит, священнотайниче, назнаменаемь.

**М**удростию всякою украшаемь, отче Феодоре, / предстателя обличил еси яве злыя ереси, / терпением же дел сего мудрования ужасил еси.

**Богородичен:** Мудрости премудростныя была еси приятелище, Пречистая Богородительнице, / Единая верных спасение и пение: / Ты бо нам родила еси днесь Божественное избавление.

### Песнь 3. Ин. Апостола

**Ирмос:** *Водрузивый на ничесомже зѣмлю повелѣнием Твоим/ и повѣсивый неодолимо тяготѣющую/ на недвижимем, Христѣ, камени заповедей Твоих,/ Церковь Твою утверди, Едине Блаже и Человеколюбче.*

**Законно,** яко Христов воин, Стефан, к богоубийцам ополчився,/ в непобедимую Его силу одеян,/ пребеззаконных обличи все лукавное противление.

**Ревностию** Христовы разжегся любви и к подвигом совлекся,/ веры и Духа исполнился Божественнаго, первомученик,/ рыбарей известил еси всем Богосудную проповедь.

**Яко** проповедник сокровенныя воистинну и Божественныя жизни,/ настоящую якоже забыв,/ делом показав яве всем первомученик победоносную истину, Владыко,/ произволив смерть.

**Богородичен:** *В житѣйский нас ради Владыка вертеп вниде образом низхождѣния;/ мучеников же начальник Стефан от тяжести человеческия исходит,/ любвию Владычнею побеждаемь.*

### Ин. Преподобнаго

**Ирмос:** *Веселится о Тебѣ Церковь Твоя, Христѣ, зовущи:/ Ты моя крепость, Господи,/ и прибежище, и утверждѣние.*

**Не** имѣя что твоим учением противорещи, преподобне,/ на раны обращается, еллинскаго неистовства исполненный.

**Подъял** еси терпеливно еже на рамах и на персех раны Христа ради, Богодохновенне,/ и по главѣ ударения.

**Мудростию** духовною и усердием помысла/ посрамил еси злочестиваго и беззаконнаго священнейшими твоими догматы.

**Богородичен:** *Давид, якоже ковчег, в Вифлеѣме/ пророческими очесы, Мати Божия, видит Тя,/ Младенца Пребожественнаго носящу.*

## Конда́к и ѱкос пра́здника.

### Седа́лен, глас 1.

Подобен: Гроб Твой:

Апосто́ле Христов, диако́нов пе́рвый, / перво́му-  
чениче му́дре, му́чеников верх, / ми́ра концы́  
освятѣв страда́нии твоѣми, / и чудесы́ ду́ши чело-  
ве́ков просветѣл еси́, / чту́щия тя изба́ви вся́че-  
ских бед, / всехва́льне Стефа́не.

### Слава, преподо́бнаго седа́лен, глас 3.

Подобен: Божественныя ве́ры:

Уста́ был еси́ дерзости, / горды́ню мучи́телю  
велему́дренно посра́мив терпе́нием страда́ний тво-  
ѣх, / уязвляе́мь бо быв в лице́, Феодо́ре, за Христо́-  
ву ико́ну всечестну́ю, / известѣл же еси́ чтѣти и  
сла́вити вся, / прося́ нам ве́лию ми́лость.

### И ны́не, Богоро́дичен:

Рождество́ безсе́менное смотре́ючи, Всенепе-  
ро́чная, дивя́щися, / из Неѣ Рождѣ́нному веща́ше: /  
а́ще и зра́ком челове́ческим обложѣлся еси́, / но  
Бо́га Тя проповѣ́дуют ве́щи, / Ча́до Безнача́льное  
Безнача́льнаго Отца́, Собезнача́льне, / всем по-  
даѣй ве́лию ми́лость.

### Песнь 4. Ин. Апосто́ла.

**Ирмо́с:** Божественное Твое́ разумѣв исто́щание  
прозорли́во, / Авваку́м, Христе́, со трѣпетом во́пи-  
я́ше Тебе́: / во спасѣ́ние люде́й Твоѣх, / спасти́  
пома́занныя Твоѣ́ пришѣл еси́.

Поревновáв а́нгельскому усер́дию / и зра́ком  
а́нгельским свѣ́то украсѣ́всь, / зриши сла́ву Божѣ-  
ственную и сеѣ́ озаре́ние.

Клеветни́к, судѣ́я же и мучи́тель, / человеко-  
уби́йца и оте́ц лжи явля́ется, Стефа́не, / но себѣ  
побежда́ет, се́ти на ся прости́рая.

Я́ко пе́рвый му́чеников Стефа́н, путе́сотвори́в  
же нам мучѣ́ния вход, / венце́носе́ц лику́ет, венце́м  
му́ченическим венча́емь.

**Богоро́дичен:** Проси́яв от Де́вы, я́ко со́лнце,  
совозси́явшу, Христе́, я́ко денни́цу, / сла́вную пер-  
во́мученика па́мьять Своѣ́ю украша́еши свѣ́то-  
стию.

### Ин. Преподобнаго

**Ирмос:** Вознесена Тя видевши Церковь на Кресте, / Солнце Праведное, / ста в чине своём, / достойно взываючи: / слава силе Твоей, Господи.

Простерт на дще, начертан бысть, / яко покланяющийся, Феодоре, Христове иконе и Богоматере, / наглостию свирепства и варварским суровством.

Служив от юности Владыце / и к Немю непрестанно желание имея, блаженне, / воздержанием, мученическою кровию абие украсился еси светлейше.

Светел, яко солнце, Богоносе, / от востока устремился еси, зарю испущая исповедания твоего / и велемудреннаго и доблестнейшаго противления.

**Богородичен:** Благословен грядый Бог Слово в Вифлеем, / яко Благоутробен, от неискусобрачнаго, Пречистая, чрева Твоего. / Егоже ныне моли спасти к Тебе прибегающия.

### Песнь 5. Ин. Апостола

**Ирмос:** Одейся Светом, яко ризою, / к Тебе утренюю и Тебе зову: / душу мою просвети омраченную, Христе, / яко Един Благоутробен.

Облиста, яко Ангел, первомученик Твой, / Небесных кругов, Христе, быв превышше / и славы неизглаголанная Твоея насыщся, Человеколюбче.

Богоглаголивых уст одождении / низложи скверноубийцы первомученик, / от нихже безчисленными каменей одожденьми яко победитель венчася.

Яко непобедимо первомученика Божественная ревности дерзновение, / ибо даже до крове к богоубийцам мужески ополчися.

**Богородичен:** Пришедшаго от Неискусомужных Матере, / первомученик, в недвижимем Отца Божестве и славе, / стояща на Небесех, виде.

### Ин. Преподобнаго

**Ирмос:** Ты, Господи, мой Свет, / в мир пришел еси, / Свет Святыи, обращаий из мрачна неведения / верою воспевающия Тя.

**На земли странней обитаяй, / странничество, озлобление, раны, заточения / и темницы лютейшия подъял еси терпеливно.**

**Ныне радуешься воистинну, / победоносное венчание прием / в день светлый и светоносный Божественного первомученика.**

**Еже имел еси от дѣвства благочестия обещание, / соблюл еси даже до конца, не превращен пребыв, / непобедиме Феодоре.**

**Богородичен: Ты оружие непобедимое на враги предлагаем, / Ты помощь и надежду нашего спасения, Богоневесто, стяжачом.**

### **Песнь 6. Ин. Апостола**

**Ирмос: Неистовствующеся бурю душеленною, / Владыко Христе, страстей море укроти / и от тли возведи мя, / яко Благоутробен.**

**Славный чиноначальник мучеников Стефан, / вернии законы естества благодатию прешед, / Божественною славою озаряется.**

**Подобник всеизряднейший быв, Владыко Христе, честныя страсти Твоея, Стефан / убийцам благословением отмщает.**

**Скверноубийственного деяния непричастны сохрани, Христе, / и первомученика сподоби Твоя певцы наследия, / яко Благоутробен.**

**Богородичен: Всемирнаго бысть спасения, Владыко Христе, начало рождество Твое / и мучеником Боголепнаго исповедания основание.**

### **Ин. Преподобнаго**

**Ирмос: Пожру Ти со гласом хваления, Господи, / Церковь вопиет Ти, / от бесовския крове очищися / ради милости от ребр Твоих / истекшею Кровию.**

**Потом подвигов еще капая, / Подвигоположнику предстал еси, / праведным судом всю тварь правящему, Богоносе всеблаженне Феодоре.**

**Ничтоже ты Христовы любви отлучи, / ни уранение тела, ни смертнаго осуждения прещение, / ни тщета присутщих, всеблаженне Феодоре.**

**Сын сый и света и дне пресветлый, полн света, / преставился еси, к Божественному сиянию возра-**



стаемь, / днем и но́щию неоскудеваемь, Богопри-  
ятне.

**Богорóдичен:** Тя еди́ну посреди́ тёрния обрёт, /  
яко честнейший крин и удо́льный цвет, о Богома́-  
ти, / Жени́х мысленный в Тя всели́ся.

### Конда́к, глас 3.

Подобен: Де́ва днесь:

**В**лады́ка вчера́ нам плóтию прихожда́ше, / и  
раб днесь от плóти исхожда́ше. / Вчера́ Цар-  
ствуяй плóтию роди́ся, / днесь раб ка́мением побива́ется; / Того́ ра́ди и сконча́ется первомученик  
и Божество́нный Стефа́н.

### И́кос:

Яко звезда́ свётлая, днесь совозсия́ Рождеству́  
Христо́ву первомученик Стефа́н, / облистая́й,  
просвещая́й земны́я концы́, / иудейское то́кмо  
омрачи́ все злочестие. / Му́дростию сло́ва сих  
изобличив, / от Писаний беседу́яй, и увещава́я  
сия́, / ро́ждшагося от Де́вы Иисуса́ Сы́на Бо́жия  
бы́ти и Бо́га. / И посрама́ сих нечестиво́е злоде́й-  
ство первомученик и Божество́нный Стефа́н.

### Песнь 7. Ин. Апостола

**Ирмо́с:** Превозно́симый отце́в Госпо́дь / пла́мень  
угаси́, о́троки ороси́, / согла́сно пою́щия: / Бо́же,  
благословён еси́.

Зубы скреже́щуще убийственне, беззако́ннии, /  
яко зве́рие восхитивше, убива́ху Стефа́на, Боже-  
ственне пою́ща: / Бо́же, благословён еси́.

Яко пёстрыми цвёты и красными, Стефа́не,  
ка́мением украша́емь, / тебе́ сама́го привёл еси́  
Христу́ Жизнода́вцу, поя́: / Бо́же, благословён еси́.

Яко непобеди́мо Па́влово противле́ние, / гоня́ща  
пе́рвое Бо́жия уго́дники, / приводя́ща же язы́ки  
ны́не ко Христу́ во ве́ки.

Взят быв Ду́хом Святы́м, Стефа́не, / неизрече́нно  
ви́дел еси́ Сы́на со Родите́лем, зовый́ Трои́це: /  
Бо́же, благословён еси́.

**Богорóдичен:** Тебе́, возсия́вшему от Де́вы Боже-  
ственны́я Чы́стыя, / принесёся одушевлённый яко́

Царю венѣц, Божѣственне песнопоя Тебѣ: / Бѣже, благословѣн еси.

### Ин. Преподобнаго

**Ирмос:** *В пещи авраамстии отроцы персидстей, / любѣвию благочестия паче, / нежели пламенем, опалѣеми, взываху: / благословѣн еси в храмѣ славы Твоея, Господи.*

Распалѣемъ православною ревностию, всемудре, / снадѣние скверныя ереси и лютыя дерзостне отринул еси, / благословѣн еси, Бѣже мой,— зовя,— и Господи.

Слово мудрости, слово догматов, слово знанія, / слово учений, отче, всеблагочестивых Бог Слово тебѣ дарова, / благословѣн еси, Бѣже мой,— зовущу,— и Господи.

Возсияв от востока, якоже солнце, / зарю благочестия сѣял еси на земли, / иконы поклонение Христовы, просвещающую и учащую, отче Феодоре.

**Богородичен:** *Украшена, препрославлена, пресияющая светом дѣвства / явилася еси, / Мати, Бога телом рѣждшая / и пеленами повившая, вся яже повивающаго.*

### Песнь 8. Ин. Апостола

**Ирмос:** *Тебѣ, Вседѣтелю, / в пещи отроцы, всемирный лик сплѣтше, пояху: / дела всякая, Господа пойте / и превозносите во вся вѣки.*

Приидите, мысленно Стефановою славою блистаеми, / воспойм воплощемуся Богу: / дела всякая, Господа пойте и превозносите во вся вѣки.

Тебѣ, яко победителю пребеззаконныя лѣсти, / страданий венѣц исплетѣся, Стефане. / Тем вопиял еси: / Господа пойте и превозносите во вся вѣки.

Явися тебѣ Христос во Отчей славе, / страданий возвещая тебѣ яже возмездия; / темже вопиял еси: / Господа пойте и превозносите во вся вѣки.

Исплетѣ нам Владычнее Рождество лик и память первомученика; / тем непрестанно Господа поем / и превозносим во вся вѣки.

**Богородичен:** *Тебѣ, паче ума богомужно словом рѣждшую Господа и дѣвствующую, / вся де-*

ла, Дѣво, благословѣмъ / и превозносимъ во вся вѣки.

### **Ин. Преподобнаго**

**Ирмосъ:** Руце распротѣр, Даниѣл / львовъ зиянія в рове затчѣ; / огненную же силу угасиша, / добродѣтелию препоясавшеся, / благочестія рачители, отроцы, взывающе: / благословите, вся дела Господня, Господа.

Яко лев, всеблаженне, уповавъ души твердостію, / не устрашилъ еси еретическаго стремленія, неистовства тезоименитаго, / егѣже оплевавъ, людемъ, радуясь, вопиялъ еси: / благословите, вся дела Господня, Господа.

Украсивъ мужествомъ душу, / целомудриемъ же, блаженне, желаніе, / умъ, разума исполненъ, стяжавъ, совершилъ еси, / правдою же твою смислы управилъ еси и вопиѣши: / благословите, вся дела Господня, Господа.

Стремливо текущий токъ ереси, отче, изсушилъ еси, твоими наказаніи, преподобне, / и всемудрыми указаніи хитрости злочестивыхъ разоряя и зовя: / благословите, вся дела Господня, Господа.

**Богородиченъ:** Создавший естество в началцахъ человеческое, Бог / в сие облачится от пречистаго Твоего, Всечистая, и святаго чрева, / днесь в Вифлеѣме пророчески раждаясь; / темъ Тя вси благословимъ, Маріе Богоневѣсто.

### **Песнь 9. Ин. Апостола**

**Ирмосъ:** Исане, ликуй, / Дѣва имѣ во чреве и роди Сына Еммануила, / Бога же и Человека, Востокъ имя Емю, / Егѣже величающе, Дѣву ублажаемъ.

Похвалъ, Стефане, прешелъ еси всякъ чинъ / и носиши по коемуждо слову неложно ты победительная: / изнемогаетъ бо человеческий умъ / соплетіи венѣцъ похвалъ тебѣ достойный.

О, блаженнаго твоего, егѣже провещалъ еси, Стефане, гласа! / Не постави убійцамъ, Владыко, — вопия, — Христѣ, беззаконія, / но, яко Богъ и Содѣтель, прими духъ мой, / якоже жертву благоволеннойшу.

Ты болѣзнейъ воздаяніе приялъ еси, / победительный отъ Вседержительныхъ венѣцъ десницы, / и ныне,

всблаженне, предстою Всецарю, / славою и благо-  
датию поюция Тя увенчай.

**Богородичен:** Временнаго бытия от Девы прият  
начало плотию от Отца безлётный Сын; / Егбоже  
ради убиваемъ подобник Христовъ Стефан, / ныне  
наследова от начала вечную жизнь.

### Ин. Преподобнаго

**Ирмос:** Камень нерукосечный / от несекомыя  
горы, Тебе, Дево, / краеугольный отсечеса, / Хри-  
стос, совокупивый разстоящаяся естества. / Тем,  
веселящеса, Тя, Богородице, величаем.

Божественным побеждаемъ желанием, / гонений  
ополчения удобо претерпел еси, Богомудре, / и,  
гонителя свирепство низложив, / восприял еси  
подвигов, отче, венец.

Богатство Небесное обрел еси и пребывающую  
храмину / вместо горькаго заточения, и странни-  
чества, и прехождения, / и ныне питаешися, при-  
емля вечное наслаждение.

Пение Владыце принося, отче, и мольбы, / не  
престай о моей немощи, и сообитании, и брат-  
стве, / яко да, вкупе поживше, улучим вкупе  
обожение.

**Богородичен:** Тя, паче ума же и слова в Вифле-  
еме Бога Слова днесь рождшую, Дево, / и в пеленах  
Сего повившую, / яко воистинну Богоотроковицу  
и Богородицу величаем.

### Светилен.

**Подобен:** Духом во святѣлицѣ:

Одесную стояща Отца, видел еси Слова Пребез-  
начальнаго, / и Света неизглаголаннаго лице ис-  
полнил еси, / апостолов похвало и мучеников  
славо; / украсился же еси венцемъ камней  
метаньми / и кончину приял еси Божественную.

### Слава, и ныне, светилен праздника:

В яслех положися, младенствовав, яко Младен-  
ец; / звезда же призва троицу волхвов; / пастырие  
же, чудеси удивльшеса, потщашася Бога видети  
вочеловечшася; / ангельстии же лица, дивящеса, /  
слава в Вышних, вопияху.

**На хвалитех стихиры на 6: 3 праздника, глас 6 (зри ниже со стиховны) и 3 апостола самогласны, глас 1.**

**Киприаново:** Страдальческий венец первострадальцу, / вѣрнии, исплетѣм от словѣсныхъ цвѣтовъ: / той бо мученикомъ проуготова путь / и в радости вопияше: / се Небеса отвѣрста виджу / и Сына Божия, одесную стояща Невидимаго Отца.

### **Глас 2. Анатолиево:**

**Первый** в диаконых, / первый и в мученицех показался еси, / всесвятый Стефане: / путь бо был еси святымъ, / и мнози Господу привел еси мученики. / Тем Небо тебе отвѣрзися, / и Бог тебе явился. / Того моли спастися душамъ нашимъ.

**Во святыню** одѣялся еси, / Стефане блаженне, / первомучениче и переводиаконе, / Ангеловъ сопричастниче: / ходатайствуй и молися о нас / Спасу, Господу безгрешному.

**Первомученика** и добляго Христова угодника / Стефана переводиакона достойно почтимъ: / той бо, стоя посреди беззаконникъ, / одесную Отца Сына виде.

### **Глас 4. Иоанна монаха:**

**Стефане** славне, / Небесножителю, / Христовъ угодниче блаженне, / молитву сотвори о душахъ нашихъ.

### **Глас тойже:**

**Стефанъ**, доброе начало мучениковъ, / полнъ благодати и силы, / творяй знаменія и чудеса велия в людехъ, / от беззаконныхъ камениемъ побиенъ бываеши, / но просветися, яко Ангелъ, / и зрит славу Тебѣ, распеншагося насъ ради, одесную Силы / и духомъ благодати на Небесаъ взимашеся; / и сего ради с ликостоянии Ангельскими водворяеяся, / молится спастися душамъ нашимъ.

### **Слава, глас 5. Киприаново:**

**Первомучениче** апостоле и переводиаконе, / дверь мучениковъ и слава праведныхъ, / апостоловъ похвало, / ты Небесаъ видел еси отвѣрста, на судищи стоя, / и Сына Божия, одесную стояща

Невѣдимаго Отца./ Тѣмже, яко Ангел, возсіяв  
лицѣм,/ в радости взывал еси о побивающих тя  
камением:/ не постави им греха сего./ И ныне  
испроси от любви хвалящим тя / очищение грехов  
и велию милость.

**И ныне, глас тойже. Иоанна монаха:**

Непостижимо совершаемое в Вифлееме днесь  
таинство:/ Невидимый видится, Безплотный во-  
площается,/ Слово одевается,/ и Сый бывает,  
еже не бе./ Дева раждает в вертепе Младенца  
Млада,/ Здателя естества./ Ясли вообразуются в  
Престол Небесный,/ скоти образуют Херувимское  
предстояние./ Пастырие чудятся. Волсви дары  
приносят./ Ангели, воспевающе, глаголют:/ слава  
в Вѣшних Богу, и на земли мир, / в человецех бо  
благоволение,/ Неизменный Еммануил.

**Аще не поеши бдения,  
на стиховне стихиры, глас 6:**

**Подобен: Ангельския:**

Вожествует праздник радостию вся тварь,/ и  
Небеса с нами радуются:/ во яслех бо Зиждитель,/  
от Девы воплощаемый,/ и в Вифлееме Иудейском  
Младенец виден бысть преславно./ Людие, рцем:/  
благословен Рождейся,/ Боже наш, слава Тебе.

**Стих:** Из чрева прежде денницы родих Тя,/ кля-  
нется Господь и не раскается.

Да земныя Небесны сотвориши,/ пришел еси на  
землю, воплощся от Девы,/ и Младенец видимъ  
был еси,/ Слово Сый Превечное,/ волхвы подвигл  
еси от Персиды / в Твое поклонение, Щедре./ С  
ними же взываем:/ благословен Рождейся, Боже  
наш, слава Тебе.

**Стих:** Рече Господь Господеви моему:/ седи  
одесную Мене.

Млаго нас ради, Иисусе,/ явился еси Отроча,/ из  
Отца прежде век возсив,/ обветшавшия пре-  
ступлением / хотя вся обновити человеки./ Тем  
Тебе вси благодарно присно зовем:/ благословен  
Рождейся, Боже наш, слава Тебе.

**Слава, глас 8. Киприаново:**

Радуйся в Господе, венценосче Стефане,/ по-  
добник Владыки,/ занеже и первомученик был еси

Христá, Царя́ нашего, / и лeсть беззаконных иудей  
упразднил еси́, / моляся о нас ко Гóсподу.

**И ны́не, глас тойже. Иоанна монаха:**

**Кáко изрекú великое та́инство? / Безплóтный  
воплоща́ется, Сло́во одебелева́ет, / Невидимый  
видится, и Неосяза́емый осяза́ется, / и Безнача́ль-  
ный начина́ется: / Сын Бóжий Сын челове́чь  
быва́ет, / Иисýс Христóс вчера́, и днесь, / Тóйже и  
во ве́ки.**

#### НА ЛИТУРГИИ

**Блаженны праздника песнь 1-я на 4 и святаго песнь 3-я  
на 4. Прокимен праздника и до отдания, и апостола, глас 8:  
Во всю зéмлю изы́де вещáние их: Стих: Небесá повéдают  
сла́ву Бóжию: Апостол в Деяниях, зачало 17. Аллилуия,  
глас 1: И сповéдят Небесá чудесá Твоя́, Гóсподи. Евангелие  
от Матфея, зачало 87. Причастен праздника и до отдания,  
и апостола: Во всю землю:**

**зри** **Аще есть первомученика храм и бывает бдение, на малой  
вечерни стихиры праздника и апостола по обычаю. На  
велицей вечерни на Гóсподи, воззва́х: стихиры праздника  
и апостола поем на 8. Преподобноисповедника же служба  
поется на повечерии во ин день. Аще же случится  
первомученика в Неделю по Рождестве Христове, тогда  
поем стихиры воскресны из Октоиха 3, и праздника 2,  
Богоотцев 2, и апостола 3. Сла́ва, Богоотцев. И ны́не,  
Богородичен гласа. Вход, прокимен дне и паремии апосто-  
ла 3. На литии стихиры праздника 1 и апостола 3. Сла́ва,  
апостола. И ны́не, праздника. На стиховне стихиры  
воскресны с припевы их. Сла́ва, апостола. И ны́не,  
праздника. На благословении хлебов тропарь праздника  
дважды и апостола единожды. На утрени на Бог Господь:  
тропарь воскресен единожды, Богоотцев единожды. Сла́-  
ва, апостола. И ны́не, праздника. По кафизмах седальны  
воскресны с Богородичны их. По полиелен ипако́й гласа.  
Таже седальны вси апостола. Степенна, и прокимен гласа.  
Евангелие воскресно. Воскресéние Христóво ви́девшие:  
Стихира воскресная. Канон воскресен со ирмосом на 4,  
праздника на 4, Богоотцев же и апостола два канона на 6.  
Катавасия праздника. По 3-й песни кондак, и икос, и  
седален апостола. Сла́ва, Богоотцев. И ны́не, праздника.  
По 6-й песни кондак и икос Богоотцев. По 9-й песни  
светилен воскресен и Богоотцев. Сла́ва, апостола. И ны́не,  
праздника. На хвалитех стихиры воскресны 3, праздника  
2, и апостола 3 с припевы: 1-й: Во всю зéмлю изы́де: 2-й:  
Небесá повéдают сла́ву Бóжию: Сла́ва, Богоотцев. И ны́не,  
Преблагословéнна еси́: Славословие великое. Ектении.  
И отпу́ст.**

### Святой апостол первоученик и архидиакон Стефан

(†27 декабря, ок. 34 г.) родом был из евреев, проживавших в еллинских странах. Савл, впоследствии великий апостол Павел (†ок. 67 г.; память 29 июня), был его дальний родственник. После Пятидесятницы святые апостолы посвятили святого Стефана вместе с другими шестью избранниками в диаконы (служители). Святой Стефан, как муж, «исполненный веры и Духа Святого» (Деян. 6,5), был поставлен старшим, поэтому его называют архидиаконом. По благодати Божией он творил много знамений и чудес; подобно старейшим апостолам, святой архидиакон возлагал руки на больных и исцелял их. Святой Стефан не только служил в трапезах, но и смело и убедительно проповедовал Святое Евангелие и успешно вел прения о вере в синагогах. Иудейские законоучители, побеждаемые архидиаконом в спорах, оклеветали его перед синедрионом и первосвященником. Они призвали ложных свидетелей, утверждавших, что святой Стефан произносит хулы на Бога и пророка Моисея. На суде архидиакон Стефан в своей пламенной речи изложил историю еврейского народа, смело обвинил иудеев в гонениях на пророков и в казни Мессии.

Во время речи святой Стефан увидел отверстым Небо и Господа Иисуса Христа во Славе, стоящего одесную Бога. Когда он сказал об этом собравшимся, они повлекли его на убиение. Святого привели в Иосафатову долину, лежащую между Иерусалимом и Елеоном, к Кедронскому потоку, по берегам которого было множество камней. Там и пролилась кровь его за Евангельское учение: святого разъяренная толпа иудеев побила камнями.

Святой Стефан, подражая Господу Иисусу Христу, на коленях молился за своих мучителей: «Господи, не вмени им греха сего» (Деян. 7,60). Страдания его видела Божия Матерь. Она стояла вдали, на возвышении, со святым апостолом Иоанном Богословом и усердно молилась об укреплении мученика в терпении. Избиение произошло 27 декабря, архидиакону Стефану было немногим более 30 лет. Тело святого первоученика сутки лежало непогребенным, и только на



следующую ночь известный еврейский учитель Гамалиил с сыном Авивом тайно взял его и предал погребению в своем имении. Впоследствии они оба приняли христианство.

Празднование памяти первоученика Стефана началось еще в апостольские времена. В IV веке император Константин Великий (324—337) построил в его честь храм в Константинополе. Отцы Церкви — святители Иоанн Златоуст, Григорий Нисский, блаженный Августин и другие — говорили в память первоученика Стефана беседы и поучения.

Святые мощи его были открыты близ Иерусалима в декабре 415 года и перенесены в Иерусалим. Около 428 года сестра императора Феодосия II (380—450), Пульхерия, перенесла их в Константинополь и положила в церкви святого архидиакона Лаврентия (память 10 августа), а затем — в основанном ею храме в честь первоученика Стефана.

Память святого апостола первоученика и архидиакона Стефана празднуется 4 января и 27 декабря, обретение святых мощей — 15 сентября, перенесение их — 2 августа. В Троице-Сергиевой Лавре хранится десница первоученика.





**Преподобнаго Ферапонта, Можайскаго,  
Лужецкаго чудотворца**  
(Службу зри 27 мая)

**Тропарь, глас 4:**

**Ж**итиём чистым просветився, / в молитвах и  
постех пустыни явился еси доброе прозябение / и,  
духовному твоему учителю последствуя, / ум свой к  
Небесным управль, / стаду твоему наставник был еси,  
тем ты молим, отче Ферапонте, / моли Христа Бога  
спастися душам нашим.

**Кондак, глас 4:**

**П**реблагий Спас наш Христос / умножил есть  
милость Свою к нам, / даровав нам в заступника  
и целителя / преподобнаго отца нашего Ферапонта,  
иже просвещает нас образом святого жития своего /  
и ныне молитвами своими ограждает обитель свою  
от врагов и от разрушения, / страну сию от глады  
и напрасныя смерти, / чтущих же память его всех /  
от болезней и от лютых страстей.

**Преподобный Ферапонт Можайский**, в миру Феодор, родился в 1337 году в Волоколамске в дворянской семье Поскочиных. В сорокалетнем возрасте он принял без предварительного искуса монашеское пострижение в московском Симоновом монастыре. Вместе с преподобным Кириллом Белозерским (память 9 июня) он был учеником Преподобного Сергия Радонежского. В конце XIV века преподобный Ферапонт основал на Белозере, в Вологодских лесах, монастырь в честь Рождества Богородицы. В 1408 году по просьбе Можайского и Белозерского князя Андрея Ди-

митриевича (1382—1432), сына великого благоверного князя Димитрия Донского (†1389), основал неподалеку от Москвы, в г. Можайске, другой монастырь в честь Рождества Пресвятой Богородицы. Эта обитель на протяжении нескольких веков была средоточием Православия и примером патриотического служения русских иноков.

Блаженная кончина преподобного Ферапонта последовала 27 мая 1426 года.

Память его празднуется дважды: 27 декабря — прославление и 27 мая — день преставления.